

RESOLUCIÓN reitoral do 12 de febreiro de 2026 pola que se publica a oferta dos obradoiros de extensión universitaria da Universidade de Vigo no segundo cuatrimestre do curso 2025/2026 no Campus de Vigo resultantes da lista de agarda.

Rematado o prazo de inscrición nos obradoiros de extensión universitaria do 2º cuatrimestre 2025/2026 no campus de Vigo ofertados pola resolución reitoral do 30 xaneiro de 2026 e resultando canceladas dúas das ditas actividades, vista a lista de agarda da relación definitiva de propostas concedidas (RR do 19 de xaneiro de 2026) e en virtude das facultades outorgadas pola Lei orgánica 2/2023, de 22 de marzo, do Sistema Universitario, esta reitoría

RESOLVE:

1. Establecer as condicións da matrícula de desenvolvemento dos obradoiros da Universidade de Vigo para o segundo cuatrimestre do curso 2025/2026 (Anexo I).
2. Ordenar a publicación da oferta de obradoiros derivada da lista de agarda publicada na resolución do 19 de xaneiro de 2026. (Anexo II).
3. O lugar de publicación da presente resolución realízase no taboleiro de anuncios electrónico da Universidade de Vigo <https://sede.uvigo.gal/public/bulletin/bulletin-index.xhtml>.

Contra esta resolución, que esgota a vía administrativa, poderase interpor recurso ante a xurisdición contencioso-administrativa, no prazo de dous meses desde o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpor contra esta resolución recurso de reposición, no prazo dun mes desde o día seguinte ao da súa publicación, ante o Reitor. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

O reitor

Por delegación R.R. do 30/05/2024 (DOG do 10 de xuño)

A vicerreitora de Extensión Universitaria

Susana Reboreda Morillo



OFERTA dos obradoiros de extensión universitaria da Universidade de Vigo no segundo cuadrimestre do curso 2025/2026 no Campus de Vigo resultantes da lista de agarda**ANEXO I****Condicións de matrícula nos obradoiros do 2º cuadrimestre do curso 2025-2026 no campus de Vigo.**

- a) **Período matrícula:** do 13 ao 19 de febreiro de 2026.
- b) **Criterios de selección:** por orde de inscrición ata completar o número prazas ofertadas.
- c) **Área de inscrición:** realizarase na plataforma “Campus Activo”: <https://campusactivo.uvigo.gal/>
- d) **Importe da matrícula** para cada obradoiro será:
 - Público xeral: 41 euros.
 - Colectivos A e B da comunidade universitaria: 26,65 euros
 - Colectivo C da comunidade universitaria: 32,80 euros(A pertenza aos colectivos da Universidade de Vigo pode consultarse no seguinte enlace: <https://secretaria.uvigo.gal/uv/web/normativa/public/show/551>)
- e) **Causa de cancelación dun obradoiro:** non acadar o número mínimo de inscricións especificado na táboa do Anexo II (70% do número prazas ofertadas)
- f) **Causas de devolución do prezo** da matrícula dos obradoiros, tras solicitude da persoa interesada, cando concorra algunha destas causas:
 - Cancelación do obradoiro ou modificación das datas de celebración, horario ou lugar.
 - Formalización da matrícula unha vez completado o número de prazas do obradoiro.
 - Comezo dunha relación laboral (acreditada co informe vida laboral).
 - Maternidade/Paternidade (acreditada con certificado médico/ certificado filiación).
 - Enfermidade que impida a asistencia ao curso (acreditada con certificado médico).
 - Aboamento dunha cantidade superior ao prezo do obradoiro como consecuencia de erros materiais ou de cálculo non imputables á persoa interesada. Neste caso devolverase a diferenza aboada en exceso.
- g) **Período e proceso de solicitude de devolución do prezo** da matrícula: as solicitudes de devolución consecuencia dos puntos do epígrafe anterior poderán presentarse dende o día seguinte a que se produza a causa que xustifica a devolución ata 15 días hábiles despois de finalizado o obradoiro en que fixera a inscrición.
Para iso, través da mesma plataforma de inscrición “Campus Activo” haberá que acceder a opción “solicitar devolución de taxas” cumprimentando o campo de número de conta bancaria na que se fará efectiva a devolución e achegando a documentación xustificativa.
- h) **Diplomas:** a Universidade de Vigo expedirá un diploma oficial acreditativo da asistencia de cada participante que seguise polo menos un 85% das horas totais do curso.
- i) **Recoñecemento de créditos ECTS:** o estudantado da Universidade de Vigo poderá validar a realización dos obradoiros por créditos ECTS dentro da categoría de actividades universitarias culturais. O recoñecemento farase a razón de 1 crédito ECTS por cada 25 horas.



ANEXO II

Nome do obradoiro	Lugar de celebración	Prazas ofertadas	Mínimo de matriculas para que se realice	Duración	Data de inicio	Datas e horario (30 de marzo ao 3 de abril período non lectivo)
Introdución práctica ao prototipado básico de sistemas electrónicos open-source	Aula T108 da Escola de Enxeñaría de Telecomunicación	10	7	18 h presenciais 2 h de traballo individual	23 de febreiro	23 e 24 de febreiro e 2 e 3 de marzo de 2026 de 15:30 a 20:00h
Introdución a LaTeX para o ámbito profesional e científico	Aula T108 da Escola de Enxeñaría de Telecomunicación	10	7	18 h presenciais 2 h de traballo individual	25 de febreiro	25 e 26 de febreiro e 4 e 5 de marzo de 2026 de 15:30 a 20:00h

